



სსიპ შოთა რუსთაველის ეროვნული სამეცნიერო ფონდის გენერალური
დირექტორის

ბრძანება № 127

2017 წლის 11 სექტემბერი

ქ. თბილისი

**2017 წლის მობილობისა და საერთაშორისო სამეცნიერო ღონისძიებების საგრანტო კონკურსში
გამარჯვებული პროექტების დამტკიცების შესახებ**

„მობილობისა და საერთაშორისო სამეცნიერო ღონისძიებების საგრანტო კონკურსის დებულების დამტკიცების შესახებ“ საქართველოს განათლებისა და მეცნიერების მინისტრის 2017 წლის 9 ივნისის N96/ნ ბრძანებით დამტკიცებული დებულების მე-3 მუხლის მე-2 პუნქტის „ე“ ქვეპუნქტის, მე-6 მუხლის „დ“ ქვეპუნქტის, „საჯარო სამართლის იურიდიული პირის - შოთა რუსთაველის საქართველოს ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის N62/ნ ბრძანებით დამტკიცებული წესდების მე-5 მუხლის მე-2 პუნქტის „ე“ ქვეპუნქტის საფუძველზე და სსიპ შოთა რუსთაველის საქართველოს ეროვნული სამეცნიერო ფონდის სამეცნიერო გრანტებისა და პროგრამების უზრუნველყოფის, შეფასებისა და ანალიზის დეპარტამენტის სპაციალისტის, თორნიკე სხირტლაძის სამსახურებრივი ბარათის (N1031385; 07.09.2017) შესაბამისად,

ვ ბ რ ძ ა ნ ე ბ:

1. დამტკიცდეს 2017 წლის მობილობისა და საერთაშორისო სამეცნიერო ღონისძიებების საგრანტო კონკურსში გამარჯვებული პროექტები:
 - ა) მობილობის გრანტი ახალგაზრდა მეცნიერთათვის ამ ბრძანების დანართი N1-ის შესაბამისად.
 - ბ) მობილობის გრანტი სხვა მონაწილე სუბიექტებისათვის ამ ბრძანების დანართი N2-ის შესაბამისად;
 - გ) კომბინირებული ღონისძიებებისათვის ამ ბრძანების დანართი N3-ის შესაბამისად;
 - დ) საერთაშორისო კონფერენციებისათვის ამ ბრძანების დანართი N4-ის შესაბამისად;
2. ამ ბრძანების პირველი პუნქტით გათვალისწინებულმა გამარჯვებული პროექტების წარმდგენებმა სსიპ - შოთა რუსთაველის საქართველოს ეროვნულ სამეცნიერო ფონდში (შემდგომში - ფონდი) უნდა წარმოადგინონ შემდეგი დოკუმენტაცია:

- ა) მობილობის გრანტის შემთხვევაში (ამ ბრძანების პირველი პუნქტის „ა“ და „ბ“ ქვეპუნქტით განსაზღვრულმა პროექტის წარმდგენებმა) პერსონალური მოწვევა საერთაშორისო სამეცნიერო ღონისძიებების ორგანიზატორისაგან და მოხსენების (ზეპირი ან სასტენდო) პროგრამაში ჩასმის დადასტურების საბუთი ქართული თარგმანით დადასტურებული თარჯიმანთა ბიუროს მიერ, საბანკო ანგარიში, სადაც მოხდება გრანტის თანხის ჩარიცხვა. (2017 წლის 8 დეკემბრის ჩათვლით);
- ბ) საერთაშორისო სამეცნიერო ღონისძიებების გრანტის შემთხვევაში (ამ ბრძანების პირველი პუნქტის „გ“ და „დ“ ქვეპუნქტით განსაზღვრულმა პროექტის წარმდგენებმა) ორგანიზაციების საბანკო ანგარიში/სახაზინო კოდი, სადაც ჩარიცხება საგრანტო თანხა.
3. დაევალოს ფონდის იურიდიული და ადმინისტრაციული უზრუნველყოფის დეპარტამენტს დანართი N3-ით და დანართი N4-ით გათვალისწინებულ გამარჯვებული პროექტის წრმდგენებთან საგრანტო ხელშეკრულების გაფორმება მოქმედი კანონმდებლობის შესაბამისად არაუგვიანეს 2017 წლის 20 ოქტომბრისა.
 4. დაევალოს ფონდის საზოგადოებასთან ურთიერთობის სამსახურს, ამ ბრძანების განთავსება ფონდის ვებგვერდზე.
 5. ბრძანება ძალაშია გამოქვეყნებისთანავე.
 6. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: დ. აღმაშენებლის ხეივანი მე-12 კმ. №6).

ნინო გაჩეჩილაძე



გენერალური დირექტორის მოვალეობის შემსრულებელი